

四庫全書

集部

欽定四庫全書

集部  
雙溪集卷一至五

詳校官中書臣孫溶

中書臣劉源溥覆勘

總校官編修臣王燕緒

校對官編修臣吳舒帷

謄錄監生臣張裕孚

欽定四庫全書

集部六

雙溪集

別集類五

明

提要

臣等謹案雙溪集八卷明杭淮撰淮字東卿  
宜興人弘治己未進士官至南京總督糧儲  
右副都御史淮與兄濟並負詩名與李夢陽  
徐禎卿王守仁陸深諸人相唱和其詩格清  
體健嚴整而婉約在弘治正德之際不高談

古調亦不沿襲陳言頗諧中道此本乃其弟  
洵所編為朱彝尊曝書亭舊藏卷末有彝尊  
手題兩行稱康熙辛巳九月十九日竹垞老  
人讀一過選入詩綜一十四首各詩內亦多  
圈點甲乙之處蓋其輯明詩綜時所評隲今  
詩綜本內所錄濟詩篇數並與自記相同中  
如打牛坪詩三聯原本作碧嶂自雲生而彝  
尊改作蔓草自春生王思槐過訪詩第三聯

原本作野竹過牆初挺秀而彛尊改作挺拔  
亦間有所點定皆較原本為善且稱其詩道  
鍊如繭絲抽自梭腸似澀而有條理五言尤  
擅長持論亦屬允愜云乾隆四十六年十月  
恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

提安

欽定四庫全書

雙溪集卷一

明 杭淮 撰

五言古詩

送同年余邦臣奉使過家

使君承主恩平明適萬里玉節青春深濃花照江水手  
持紫泥封當畫麗雲綺羽旂引歲蕤青鸞跨仙子飄然  
從空來進此長生履眉山鬱嵯峨華風為君起

送中舍徐德章奉使過家

朝出城東門送子還故鄉故鄉多白雲登高重心傷風  
生潞河渚那能共舟航纖纖蒲芽短青青柳條長柳條  
不繫行蒲短空在傍平安千里音憑君達高堂

送馮民部顥奉使還廣東二首

親舍五嶺南晨雲白嵯峨瞻望不可即遊子傷如何便  
乘西江節揚舲及春波烟花一萬重照耀衣裳羅十年  
始還家離遠歡更多起舞感明聖終身荷恩波



男兒志功名遠遊棄墳墓春經郭隗臺芳草多零露側  
承青春使得展荆榛路去時尚窮微歸來脫襦布黃麻  
貴泉壤烏鳥思返哺春雨石門深光華滿楸樹

西山呂公洞

驚見呂公洞水邊駐春鞍側身入地底偏側頗碍冠導  
燈如星明墮石訝劍攢魚貫緣曲折忽俯千丈湍却步  
不敢前下有龍結蟠腥風起昏黑颯爽肌骨寒翻思張  
公勝馬得生羽翰五年客京華茲辰亦竒觀

送芮惟善尹興寧四首

送君出城郭行行上河梁為別豈不惡南北道路長玄  
蟬咽高柳碧草萋路傍青雲方着鞭鬢髮各已蒼相逢  
更何時庶以盡茲觴

萬彙各有命人生亦何為忍心事干謁直恐傷性宜策  
馬臨長衢白日照紫絲翻手作雲雨徒為世所嗤因君  
念茲理庶幾永相期

跨馬何草草遠上興寧道興寧極蠻荒五嶺絕穹昊山

炎瘴癘煩霧深龍蛇矯涉遠多險艱願作千金保努力  
勉功名樹立須在早

海邦不難治君性本剛明剛亦莫自用自用傷民情明  
則須含弘含弘政乃成豈惜萬里別側聽在佳聲浩蕩  
雲霄中相期自平生

周元弼謫判薊州臨岐道情

木葉脫已久朔風蕩高城寒日光景微浮雲蒼莽行別  
離重南北柰此鳴騶聲相持一杯酒踟躕獨含情采采

路傍菊經霜愈鮮明

張君錫謫判泗州

朔雲密不開寒菊澹無色物亦知人情依依向離席酒  
行君莫辭道路阻南北摯誼夫何言人命各有極青  
白日心相期願無忒

復送世恩得鳥字

朔風吹客衣寒葉辭木杪晨發城東門君馬白驤裊南  
北紛多岐聚散感鷗鳥蹤跡雖屢違毋使聲聞杳相望

江之涯素月出皎皎

送王文熙守制還家二首

春入燕關道草色青已齊  
驪裘君馬白絡首南鄉嘶  
倉皇攬衣裳起餞不可攜  
別離亦已惡矧子在哀迷  
慘澹春日暮淚落黃山溪

青袍藹多士君宜古人求  
交誼重金石詎為邊輻修  
權門日如市干請君所羞  
男兒賦性命豈為衆楚咻  
臨歧折楊柳庶以結綢繆

喪易寧自戚逾戚還傷神君子有中道願保千金身白  
髮掩青鏡高堂有慈親重死復重生之子良獨辛蒼茫  
水東下執手聊具陳

送劉美之太守赴銅仁

園柳何青青江草萋以碧送子適萬里執手情脉脉嗟  
彼雲中鴈翱翔依沙磧不為稻粱謀何以有南北努力  
慎所之悠悠豈終隔

見李介庵卷因念其為人賦此詩

濯濯楊柳枝開花大江堤轉盼春風顛飄泊岸東西美  
人隔江水誰當共襟期臨流和漁歌褰裳拔江蘿思之  
不可即仰視白日馳玄髮日以變怵惕恒自持願將青  
青栢遺君長相思

盱眙山行雜興三首

朝發盱眙山雲氣何冥冥落木蒼莽外薄市寒烟青朔  
風吹征衣衣薄酒力醒驅馳山川暮鬢髮欲半星王命  
有期程胡敢厭所經道逢寒泉水且復挹清泠

嶺茅白荒荒巖陰徑逼仄細雨霑衣裳寒雲濕無力歲  
序日云徂遊子行未息何以散旅懷賴此寒湖色寒湖  
碧沉沉照見飛鴻翼

山川搖落中歲晏苦離別雲薄天氣晴庶以開鬱悒牛  
羊散廣原枯桑寒風括野老出取蒸野婦行被褐悠悠  
田間情亦足慰冬月

早發巢縣暮宿金城寺

烟靄市上青霜露草根白日出雞尚鳴墟落谿南北涉



野多寒風枯楊何蕭索山川莽迢遞歲晏道路迫王事  
苦未休慘澹逾郡國暮逢禪房幽且復舒枕席

送王陽明謫官龍場驛

白日野中微浮靈結朝陰送子遠行役躑躅傷我心豈  
無良朋儔不如子同音寂寞投窮荒誰能念浮沉願為  
雙玉軫相隨麗瑤琴

結束雙佩刀倉皇視周行子行亦胡卹而我獨徬徨龍  
場眇何許南極鳥蠻方水深有蛟龍山險多虎狼庶保

千金軀并心永相望

送李獻吉致仕歸陝三首

秦谷有佳人皎皎絕代姿二十事夫君生死以為期一朝失舊懽憔悴谷之隈叶心熱忍終棄行道每遲遲谷口多芳蘭采掇修其儀百年恩情在豈無合懽時

美人別我去各在天一方相見不可期秦川浩湯湯昔別長不惡今別一何長采采芙蓉花照見君衣裳從之不可得攬轡徒徬徨

美人遺我別手圖雙竹枝謂我覲無期遺以長相思所  
思亦何有不忘者操持竹枝干雲霄濯濯君子姿願言  
長披拂清風起軒墀

送魯侍御世亨按吾江南得奇字

沃土有嘉禾結子何累累初傷淫雨萎復苦亢陽隕極  
目西原道秋風莽離離中有狐兔窟飽食何自肥華嶽  
有鷲鳥愛爾毛骨奇何當一奮擊飄忽清郊陲

送邢侍御文甫按陝得終字

斧鉞下霄漢飄飄赴崆峒雲翳絕萬里隼急當秋空邊  
城方多難烽火通關中小民困輸輓大將無成功  
天子西顧憂闔闢須羣公君更富才畧溟漲生秋風請  
看清沙漠功業庶有終

八月十六夜飲王陽明館

素月殊未缺皎皎銀漢光照見庭中席浮盃宛清揚對  
此輒復醉高歌激清商時節忽已邁白露霑衣裳人生  
有離別此樂不可常月高更起舞庶終清夜長

復過浪滄橋

西行每濟此神魂欲驚飛下俯千尺濤橋柱浮傾敲捍  
聯四鐵鑠歲久恐不持旁夾壁巉竦上與浮雲齊霾日  
午氣昏掛藤猿臂垂下馬為斂足俯仰立嗟咨大江從  
西來萬派通番夷兩崖似束縛不敢為四馳天空木葉  
下長風吹我衣蒼茫絕域晚躑躅遊子悲

聖人御皇極四海混一歸南海貢明珠西域來象犀涉  
險亦何惡所嗟筋力微迢迢家萬里骨肉書來稀翹首

望北極雙闕紅雲齊無才綰章紱慙愧被恩私吳中秋  
風起老盡北山薇

寄別瀾滄兵備林廷元二首

南阻瀾滄水北逾貴陽城惜哉不相見徘徊佇心長  
林朱葩耀候氣百鳥鳴絨辭千里道胡能慰平生

明月出皎皎行人發滄海海水清且長月明流光彩朱  
絃不聞聲顏色日夜改江洲多芳蘭褰裳思君采

市上見皂鵬羽尾凋敝無神色怪而問人云其毛

可為箭翎故畜以取給因作詩哀之

牆角見皂鵬摧頽立殘雪毛尾雜泥滓翅垂骨欲折嗟  
哉秋空物負此萬里質自羈虞羅中無由遂超越藉爾  
利風翎能使射者決所以羽毛長日日見采掇象以齒  
焚身翠以羽而滅爾具克敵材寧辭雄姿鍛汨沒隨雞  
羣憔悴送日月見人似依依俯首欲訴說有口不能宣  
伊誰見憐恤冥冥望赤霄天池渺空濶抖擻秋風生此  
志豈終輟

哀張少參德暉

湖南憶同官契誼寔綢繆清襟照玉壺真氣橫高秋一朝棄官去不肯事苟求筋力雖尚強井作老病休君歸臥東海我為齊梁客一別不相見豈謂死生隔昨逢君之子云已就窀穸惜哉無青芻一拜君墓側人生幻若夢百歲等蜉蝣舊遊感衰謝我今亦白頭落木滿高城愁雲闇江洲為君寫哀辭淚下不可收

贈沈棟塘



荆溪一識面今已三十年鬢毛各蒼白  
再見滁陽山持贈雙竹枝自云手所寫  
開軒卷舒中颯若清風下三日思渡江  
歲暮不可留雪色范蠡舸天寒季子裘  
把臂飲之酒愧乏瓊瑤酬

李煜畫鷁鷁

野風吹鷁鷁飛上南薰殿唐主好墨戲  
點染入素練披拂鍾山雲至今生顧盼  
鳴啄似不驚熠熠錦毛燦當時鬪戲餘  
意氣尚堪見不知深宮中乃有此清玩  
一日事

萬幾宴遊非所先至宋開寶中國祚乃失援嗚呼盡雖  
工詎為君人美

挽李獻吉四首用曹太守韻

憶昔與君別執手河之陽豈意死生隔千里愁雲長河  
流向東注高林歇春芳相思贈行篇觸目唯琳琅

李杜得詩聖迴出諸家前寂寞千載後身死名流傳悲  
風動萬里長虹燭遙天楚魂不可招空有弔湘篇

回首梁王臺愁見飛雲高李白富才華文雅藹風騷郊

藪泣麒麟赤霄悲鳳毛名追千載上並駕應劉曹  
花開復花落白髮悲青春鳳去遺脩竹琴張棲暗塵精  
魂如不死上為列星辰思君不可見淚落滄江津

送宗伯容二尹武康

寶劍埋匣中十年試一割長風吹行騎送子中夜  
發牧民如牧羊肥瘠乃在我君行佐武康庶幾賢  
聲播武康在山中官衙對羣峰莫學崔斯立終朝  
只哦松

題邵貞母卷

關傳見節義每為心激烈節義非苟為蹈之自勇  
決貞母當青年不幸夫蚤折保護一綫祚堅持寸  
心鐵糊口事織紵應門苦單了蘭香無春風栢老  
飽冰雪間關五十年終始視一轍上賴九重知旌  
門有綽楔悠悠世上子伊誰丈夫傑截鼻曹令女  
千載不磨滅

題月樓

高坐敞雲樓山空月初上萬里凝清光照我毛髮爽矯  
矯雙松樹影走蒼虬龍夜久寂無語唯覺來天風

東湖為武康張尹題

自江逾北陸有水亦應小君居東湖上萬頃春浩渺汪  
汪開胃襟潏潏見魚鳥自君宰武康烟波跡如掃君固  
未忘情窮達各有道寒者身欲衣飢者願一飽願將東  
湖水一勺潤枯槁

送劉倅世陽之官南部

語有千羊皮不如一狐腋君固諤諤士衆中見標格吁  
嗟八閩英理一心靜逸青瑣緣天門疏草日云積夫何  
剔近侍猥以民事責朝廷失諫官郡邑得司直翩翩九  
苞鳳矯矯離羣翼翻飛鍾陵岡復近朝陽色余今謝明  
主歸臥三吳石種菊東籬下豈意學彭澤五月熟盧橘  
薰風吹江國君行待夾輔援筆辭感激

送吳頤山提學河南二首

暮收桂水楫朝驅大河車一別何草草王命有簡書子

行秉文柄實擊風化初江空木葉下霜清菊花餘念子  
不及餞回首空躊躇

之子髮尚玄況復美才猷一朝汨沒伸策馬逾梁州梁  
州大賢鄉伊洛濬源流子行綰章紱所思在前脩况逢  
聖明世吾道鳴伊周

雙溪集卷一



欽定四庫全書

雙溪集卷二

明 杭淮 撰

五言絕句

畫鷹

勁翮戈矛利  
秋空搏擊姿  
開軒圖畫裏  
燕雀莫深疑

扇景

野雲低度水  
江壁迴含風  
萬里滄洲興  
數聲漁笛中

金匱山志 卷二  
春雲虛澗壑春月亞花枝愛殺山中相金籠不受羈

陪祀畢西湖途中雜興同獻吉賦五首

微茫沙際閣兀律水窮山望望郊原豁烟青白鳥還  
雨氣村村麥溪流岸岸山况逢同志友春日詠歌還  
沙際花紅白紆迴皂莢村田翁引稚子秉耒出郊門  
擊馬榆河驛高林春已豐司農經畧舊才足濟川功

遠尋山外寺數計水邊程未上平坡閣

寺名

白雲先眼明

雙池為楊敬止題

雨裛渚花淨雲移石徑虛天機時動處水面見遊魚

又

池頭素月出照見影雙圓風落梧桐靜主人應未眠

又

牀低移樹近簾碧見雲開白鳥渾如雪雙飛鏡裏來

板橋八景和陳白沙韻

龍泉夏雨

洗天雨忽至颯沓風門開腥雲滿南郊知是龍泉來

笠澤烟波

一葉烟波艇如乘銀漢槎秋來萬里興浩蕩屬誰家

龜山夜月

太湖東畔月光滿龜山秋雲翳絕萬里幽人在高樓

陳灣疊嶂

諸峯出雲表裊雨娟娟新不知瞻望裏時有倚筇人

薛堰通津

帆檣聚堰口村市成寰區橋前春水長湖上雪消餘

亭山夕照

亭山鬱蒼翠雲霞接天台捲簾日西夕時有爽氣來

廟墩靈跡

荒墩靈尚在芳草年年生一身赴急難廟食誰能爭

板橋書屋

五經飽腹筭身達乃濟世道苟不可行甘作陳搏睡

欽定四庫全書

卷二

雙溪集卷二

欽定四庫全書

雙溪集卷三

明 杭淮 撰

五言排律

贈顧華玉赴官南都

鹿鳴同聽裏君獨美青年浩蕩詞源濶  
瀾翻筆勢懸聲傳三殿曉宴錫曲江先省掖  
看通籍花封試著鞭小施瞻氣槩大錄擬  
黃緣文與鳳麟瑞姿同松竹妍南曹登

妙選庶尹列諸賢張相詞人首裴公藻鑑偏庭闈鄰漢  
署雲物麗秦川向日丹葵切乘春彩服便河梁重把臂  
潞水擬登仙得意江山外新詩早見傳

輓秦卑牧

江湖嗟病及鵬鳥上承塵寥落香山道淒涼吳水濱天  
寒愁白鶴猿斷怨青春高義雲霄薄曠懷溟海鄰句傳  
東野秀書入仲溫神南國悲山斗荒原泣鳳麟竹寒空  
墮月溪晚自含蘋一代風流盡百年詩禮陳地曹多令



子史閣有行人泉室雖幽閤龍光只自新

送施克和南還

韋布論交夙京師晤面真高風開北野清世應祥麟詩  
律清哀玉襟懷烟照人闕庭初上計文運豈應屯錐處  
囊終脫蛟須雨故神漢臣攄策後呂望感熊頻月殿留  
丹桂雲程接紫宸蒼茫江舸發交錯祖孟陳樹色稀微  
日葵榴荏苒春崆峒有長劍鋒啟雪霜新

故謝都憲同年廷桂父

盤鬱閨山秀聯翩俊人升司徒當筮仕直氣早憑陵數  
犯閹人對何愁罪網膺盱江迎竹馬巫峽見秋鷹草莽  
狐狸伏黷宮禮樂登妖巫成幻誕腐鼠竟何憑荒政青  
州劇鉤筒廣漢仍冶銀爭盜發箭鏃與時乘創裹猶前  
擊民殘却所矜風聲番長遁羊豕白茅承盤錯芒無缺  
陽和頌聿興才高須濟世善合信無朋浩蕩風雲際安  
危鼎鼎勝睽離黃閣迴蹴躡白雲層歲序元無忒風流  
孰與馮秋天月空皎塵匣劍橫稜寂寞悲歌起吁嗟宿

士迈民心思伏臘祠像走茭菱寒木蕭蕭下愁雲莽莽  
征老成賢佐想恩渥賁丘陵

王文熙席上見雪送別世恩

初冬白雪花試向鳳城斜寒色衝羸馬清宵問酒家捲  
簾初見燭接翅已稀鴉欲別語還久相看情轉賒鴈鴻  
天北闕日月水西涯忍見君車發登樓雲漫沙

元日留石菱溪副使飲因即其韻

瑞應占雲物天開江上臺堦庭融積雪檜柏淨浮埃共

喜霑新歲先宜問野梅一冬寒苦劇今日氣旋迴振几  
留寬帶行厨勅具盃遇懽須盡醉不飲尚能陪盤出無  
珍味樽餘只舊醅風和來海岱霞錦接天台更道景星  
見從東五曉開飛龍當九五大益象風雷牧養承罔使  
無能愧櫟材迴瞻雙鳳闕雲裏屹崔嵬

雙溪集卷三

欽定四庫全書

雙溪集卷四

明 杭淮 撰

五言律詩

送薛大使赴官浦江

爛漫春逾半，飄飄帆掛初。  
沙侵新柳暗，雨裊小桃舒。  
縣僻官無事，江深食有魚。  
義門還說鄭，風俗近何如。

訪呂仲仁不遇見軒庭物色漫爾留題

兩叢風竹翠數點露英黃下馬不煩主開軒聊據牀烟  
寒秋漠漠庭晚石蒼蒼啜茗悠然裏高城過夕陽

贈同寮劉世臣兄司訓玉山

伯仲名門彥文章濟世才月看西省照春傍玉山迴江  
柳亂行色天風吹酒盃鵲鷁原上路飛急有餘哀

墨竹卷

誰為文與可墨妙在毫端雪蘊不盈尺烟稍餘萬竿鷗  
鵠春日暮湘水碧雲寒拂拭風塵眼臨池得飽看

正月十二日迎駕南郊二首

日耀金鑾轂風微五鳳樓千官隨珮玉萬騎擁貔貅春  
濶天容淨雲移綵仗稠萬方同發育歌舞聖明休

南郊冰雪霽翠輦日華新龍狎朱旗曉花臨白象春羯  
胡趨走地朝野浹歡辰內樂從天引鵷聯上紫宸

送方文玉督漕江淮時方苦旱

漕輓實經國指揮懸使君晨車趨秣馬星拆聚防軍出  
沒江雲白微茫海氣分臚銜萬艘雨高枕和歌聞

送徐石東僉憲湖南分題得瀟湘

瀟湘他日夢

石東嘗夢官于此

今上合江亭天濶浮吳楚山青

入洞庭鷓鴣春渺渺斑竹雨冥冥舟楫雲中見依稀帝

子靈

又一首得涯字

省署人文遠荆襄玉節遲望高真斗避政簡速風移黃  
鶴樓中笛湘妃竹裏祠逢君更何地雲白楚江涯

雨至次韻



喜色動清班仍看雨漫山昨朝霑馬上  
一日遍田間林鳥亦刷羽砌花俱有  
顏飢荒盜賊起憂意滿鄉關

吳遜之西臺遺恨得晴字

驄馬梁園曙白雲龍嶼晴無端瞻望  
眼却抱死生情日黯猿俱哭江愁花  
獨明緬懷三釜養林燠笋冬生

即事

片雲西北來縹緲傍秋臺不雨曾何  
益暫陰還復開晚風早燕雀斜日靜  
樽罍拯救吾曹急民飢實所哀

送俞國昌推官台州

盤鬱龍峰秀生才自不羣  
溫良金玉質醞藉鳳麟文  
利器知無劇賢聲早見聞  
赤城臨海水旌節度春雲

輓同寮劉世臣母

壽年行近百女輩亦應稀  
誥疊夫君寵書成令子輝  
烟雲愁夕隴花絮泣春闈  
獨有梁間燕年年挾子歸

利雲方丈再限韻送秦豫齋

微雷喧落日急雨灑幽龕  
竹洗青逾整花明綠半含  
山

樽綠斗北詞客自江南獨有關河鴈秋隨萬里驂

送周進之決獄淮揚

清秋綠使節黃菊泛樓船海濶晨雲迴天空夜月懸佩  
刀迎雪落崖木領春偏祝網湯仁大封章御席先

贈袁孟思二尹靖江

柳莊神異士今喜識玄孫儒雅應難得風流豈尚存沙  
州為邑小丞尉亦官尊盡日哦松裏江春擁縣門

送陳文明分題得隆中書院

地連吳楚窟萬壑起隆中丞相還遺宅江花自晚風三  
分功業在八陣烏雲空落日停驂裏徘徊逝水東

懷徐石東

不見南州士城暄又放花德溫真璞玉氣合想蘭芽詩  
好題何處江春上短槎關心風俗緊豈只在民家

同於維翰繡衣食糟時魚因憶家

江上時魚美冬藏代所無絳糟承汁澤銀腹貯膏腴相  
對綉衣斫何求畫省需衰年親齒缺思念挾東吳

燈花

獨宿臨江館燈花無夕無每先人事卜豈與鵲聲符落  
點剪還起弄輝吟不孤更長客睡少賴爾對牀俱

長至日江上二首

江上逢長至留連正憶家旌懸鴻鴈影興逐野梅花波  
浪春風起帆檣落景斜吾徒方秉政有客問京華

江濶郡樓迴城暄山霧收樽壺迎日動舟楫自天浮旅  
食頻春草虛名半白頭東西入南北浪跡愧沙鷗

江上登天寧閣用長至韻二首

江閣憑斜景漁人網未收  
鳥穿雲樹沒日隱浪花浮  
去棹層城面懸藤古殿頭  
東歸滯行色猶得近沙鷗

長江緣井邑愛爾老僧家  
雪壁春含樹金園天雨花  
山雲寒淅淅風竹晚斜斜  
留得雙彤管悠悠領歲華

送寮友趙介夫出守長沙二首

冉冉谷烟霽冥冥沙柳長  
同官聯五馬春日赴何鄉  
草色萋鸚鵡江流渺漢陽  
牧民須長者君去有輝光

星沙洞庭府春色際天迴皂蓋花迎遠青琴月照來淒涼賈傅井寂寞秘書臺弔古應多暇登臨雲霧開

台州道中

滉漾江湖白逶迤石徑斜雲容飄野絮楓實闕冬花白

屋無烟火清郊迫歲華天恩希浩蕩雨露及農家

時望  
蠲租

之  
詔

送白輔之大參赴閩同宿江上

寒屋風燈亂秋江夜雨鳴蹉跎驚節序去住感雲情聖

德含弘大鈞天禮樂成并崇期再頌召伯此南行

歲暮阻風西興驛二首

密雲寒不卷虛閣暮憑依雪點迎風亂江花入酒微  
怒波元自濶歸鴈不停飛玄髮與時變青春漸覺非

冉冉歲云暮悠悠江逝東繫舟鹽海雪捲幔竹樓風日  
月看飛鳥勲名任轉蓬梅花知自好開發故園叢

闕

登富春樓鍾少參元溥攜酒至

繫舟沙岸柳看雨富春樓山近憑闌色江喧繞壑流飛



雲春片片叢竹晚悠悠美酒攜佳節良

闕

奉酬吳廷介中書遣子追送舟中

良朋思會晤短札送勤渠遣子浮溪出知君病餘雲  
籤攜藥裹風榻淨琴書鄭谷人稀到幽懷豈自如

送吳中僧蕪簡沈石田隱君

錫杖風塵表秋衣杞菊前親賢要製作念汝惜離筵山  
暝雲移石江寒月滿川清風懷澗壑為我謝高賢

元夕立春

今夕立春夕稀逢即上元光風萬戶動燈火九衢喧宮  
菜青絲縷江梅白雪魂獨憐春事減銀鬢漸看繁

登望湖亭有懷舊遊

絕壁孤亭迴千峰落日曛雪明湖上鷺衣薄洞前雲往  
歲竹猶活出山泉乃分故人江海上寥落鴈書聞

君山寓有竹舊以短牆遮及其半今喜牆去竹出  
愛汝西軒竹于今去短牆烟雲初出色冰雲漫生香漠  
漠石俱晚蕭蕭月有光相看真靜雅夜久復移牀

送友歸秦中

客車傷早發曙色轉熹微風柳青絲弱宮花白雪稀春  
山猿欲斷社日燕同歸濁涇流向北常見五雲飛

又君山寓對竹

塵市稀逢竹脩然見此叢疎風含壁細晚翠落庭空燕  
谷冰霜後湘江烟雨中但令人不俗相對興還同

送陶僉事習之赴閩三首

省郎通出入德氣藹蘭蓀花至時同把詩吟得細論乘

春行問駕執手不成言邂逅知何地朋情漫雨樽  
吾兄閩嶺表君去得相從樹色三千里烟花一萬重水  
流傷去住地接想從容安得雙飛翼南隨玉女峯  
送遠心俱切相攜況所親席憐江草碧愁入苑花新匣  
劍迴南斗衣羅照暮春早看鷹隼急凌厲向秋旻

書宗美周先生扇

緬懷童稚力醞藉討論功白髮行藏外青春夢寐中開  
樽江雨濕看劍燭花紅玉珮隨秋草承恩鳳闕東

徐昌國席上賦別

暝色依宮樹浮雲薄暮鴉清樽留客裏白雪向人斜雅  
度披江漢論文剪燭花來時應隔歲雙闕共春華

陸子淵邵節夫同攜酒過昌國席上復一首

雲生雙闕晚騎馬到君家霜果攜奴赤秋燈點筆斜詩  
談聽靜夜客思動清笳明發秋江上離心亂渚花

元夕界亭驛

暝色催行騎孤亭亂嶺環地暝江草徧林濕野櫻斑燈

火逢元夕風烟宿楚山檐頭書卷在聊得慰愁顏

界亭山中

羸驂驅偃蹇石磴轉蜿蜒霧合千峰雨春融百折泉絳  
葩濡冉冉翠篠裊娟娟亭午欲昏黑如聞虎豹前

度蒼山背二首

山水何險惡浮生訝此來霧昏霾日月谷應走風雷鑿  
磴盤空出懸江繞壑哀聲聞有吳鳥相見莫相猜

緣崖苦力盡更堪高頂來行人天上蟻怒水地中雷古

木蒼穹翳玄猿清晝哀手持戈戟子對面忽驚猜

輓同年喬太守汝修

郡郭仍山水淒涼不見君山長空返鶴水白自多雲湖  
海詩留滿巖廊績有聞惜才真不易少壯出羣人

奉酬張南園見贈二首

病足不出戶招邀情更真天邊憐客子竹裏問庖人強  
健青絲髮逍遙白葛巾十年思故舊話到不知頻

欲別不忍別相攜還北堂解衣淹日午開閣進風涼江

漢孤篷客乾坤萬里觴相逢更何日東去嶺雲長

西行回度滇池

西行苦歷險落日放舟還海草微茫際沙鷗出沒間烟  
青金馬寺天遠碧雞關諸嶺雲端出如看震澤山

打牛坪驛

諸葛孔明  
迎春于此

亭因臥龍舊猶載打牛坪耕戰紆經畧春秋幾送迎野  
花空晚落碧嶂自雲生悵望三分蹟流傳後代名

山水小畫和韻



金碧披毫末江山入座中橋分沙岸水樹繞石林風已  
覺滄洲遠還疑玄圃通生綃僅盈尺萬里對無窮

朝發洱海

微風動行幕朝氣海山分碧水虛搖日寒峰翠上雲聖  
朝弘治理南極盡人文最是諸徭種猶來問采芹

曉發普安

眼界頗平豁諸峯若湧蓮自雲分個個裏雨各娟娟有  
似雙虬舞或如孤鳳騫誰云苦適遠幽興滿行邊

鎮遠喜即舟

連山霧不開壑轉一溪迴  
洶洶奔湍下冥冥細雨來  
巫山疑有峽灩澦不成堆  
撒旋省舟子乘流亦快哉

飲長沙楊長史本忠吏隱亭酒酣有作楊為舊同僚

勲業藩封大乾坤吏隱并官高  
綰章紱心遠獨柴荆  
花

禱春移席

時春花爛漫

天虛江動城星沙一疎豁  
尊酒見平

生

襄陽習池

青山愛峴首春風還習池尚想山翁醉唯餘羊子碑巖  
花落冉冉江柳垂絲絲亭臺斜日畔今古一長咨

新移竹出笋

移來根未穩即長二龍孫紫錦苞泥籜青苔迸雨痕凌  
霄勢已起耐晚節應存呼僕更加土他年看滿園

滁山

雨霽愜山行天高氣且清野花開未盡澗水落長鳴俯

仰乾坤跡蒼茫今古情不聞千載事留得醉翁名

瑯琊僧房小憩

日移千嶂碧雲覆一牕虛噓拂風颺午清涼夏景初林  
深啼鳥衆巖靜落花疎即此見明性何求幻化墟

新構看山亭成

百尺憑虛檻新開坐見山清時無野戰司牧稱官間雨  
意微茫外嵐光紫翠間樽前有雙鶴日暮與雲還

雨中登樓

節序黃梅候朝陰午不開浮雲暗山去急雨灑城來高  
艷紅葵濕低翔白鷺迴洗心亭咫尺烟靄擁層臺

致仕趙千兵山莊送客

秋熱苦未退風塵送客樽不知車馬路有此隱淪村池  
淨荷如拭林深鳥故喧茅茨青竹簟更出萬松根

正月六日與同寮飲山樓得看字

雲消諸嶺出興至一憑欄野水初迴綠春風尚覺寒草  
痕滋雨濕竹色淨雲團山到春來好應須日日看

輓陳太守實次邵二泉五首

民失賢太守如無父母哀從今問俗駕無復畫熊來  
白日慘無色愁雲黯不開皇天何不慙奄使哲人摧

儀刑雖日遠惠政及人深田間多滯穗道不拾遺金  
仙馭悲瑤鶴風軒冷玉琴萊公竹如在剪伐莫相侵

過江聞訃至涕淚失明賢寒雨颯枯柳悲風來遠天  
體豐宜少疾祿盡豈亡年漢史求良吏須公合並傳

海內誅求盡吾邦賴有公循良從政簡拯救急民窮  
風

俗推行表天心感格中

禱雨  
輒應

悲哀仙馭遠欲見涕無從

豈弟古民牧於公今見之寬仁真若母清勵更堪師震  
起關西日龔為渤海時貧無斂身具一死有天知

鳳凰臺次唐人韻

荒臺千尺迴秋色一江分不見昔游鳳空餘東去雲草  
芳還自歇名古至今聞六代興亡裏青天鴻鴈羣

送邊太常卿廷實上京

餞子司空宅高天暑氣微柳颺輕薦席花露濕明衣作

客本無定憐君今遠違九天環珮裏日近五雲飛

秋日陪孫性夫飲環山樓押韻

忽喜君車過相攜百尺臺已驚梧葉老應想鳳凰來  
野曠移軒閣山環落酒盃荒園鎖秋草今日為君開

奉送李太宰巽庵入朝

賢名登御府台座逼天卿稷契風雲紀唐虞日月明持  
衡鈞海內懸鑑徹秋清契合君臣際都俞魚水情

庶子泉



庶子泉澄徹移牀一照臨見絲悲白髮無物解清心擬  
鏡元非大沉竿莫測深緣崖有蟹出豈亦聽微吟

題扇中畫

畫圖看亦好舒卷興悠然風幕侵江濶茅齋隱樹偏孤  
篷如葉小終日在天邊更愛遙山色微茫沙際連

石菱溪宅看牡丹和韻

解帶小山側佳花正壓枝紫霞浮玉蕊曙色藹軒墀綺  
席微風倚哀絃白日移洛陽春富貴猶憶醉歸時

清涼寺後亭留別諸公次韻三首

平生性懶拙喜得遂茲年海釣魚忘餌溪耕秫有田金  
章看俊彥風翮在騰騫惜別且為醉尊前江色妍

羣公驚麗藻秀句及春傳江碧浮盃迴山青落帽偏花  
開猶未盡野望且無邊回首沙中鴈分飛向遠天

丘壑今長往樽壺得暫同玉堦無浪跡滄海有孤蓬世  
治容吾拙身藏豈道窮山間歌舞地瑤草起春風

飲胡夢竹園池次韻朱御史鶴坡

三年遊魯汴今日喜重來曲徑開青竹新巖長綠苔  
搜奇三涉洞眺遠一登臺雙鶴解迎客如人立小堦

徑轉孤亭出翼然巉石間野光團細竹雲氣薄層山  
凍雪仍餘白寒梅已破斑同遊有詞客竟日未知還

奉和胡侍郎樾同贈別之作二首

扶顛須棟梁久識子才長把酒臨江白離心恨柳黃  
海鷗從結納秋隼望飛揚治世容疎放高歌明月章

渡河今有梁南去水雲長堤草隨袍綠露花如菊黃  
風

和春澹沲雲白思悠揚執手難為別臨岐賦短章

池上小橋成

孤亭環碧水徑接板橋成風起人初度波涵影共清地  
偏元野外官解覺身輕短屐憑欄裏籬東看月生

題邵用之東丘娛晚卷在南都作

荒林稍莽莽露菊滿黃金未遂東丘跡空懷萬里心籬  
雲常帶白山鳥有遺音悵望人何在空堂薜荔深

和方寒溪見寄四首

淹滯高人駕荒城涉夏春清秋初識面千里舊交神沮  
溺應忘世商山豈避人乾坤雙短屐富貴一輕塵

開絨蒙製作白髮喜生春漫說愁花鳥應知泣鬼神鷓

鴝題字手長笛倚樓人大雅音如作終應落後塵

寒溪論及

詩法

日月雙青眼來觀湖海春羈孤非落寞貧乏愈精神白

玉本真性丹砂豈異人紛紛學仙者誰是離風塵

寒溪論及

仙

邂逅小山側挽回寒谷春納交雖恨晚一見即傾神雄辯驚山鬼潛行遠市人青鞋祇自好不使污黃塵

漢中副使丁近齋道經河南次韻贈別

憶別昔荆楚相逢今汴城先陰同逝水心目幾懸旌采采黃花節依依白髮情何時更相會奔走愧虛名

奉和黃用明別駕見寄二首

回瞻壯年別已惜老翁成幾見花開落常憐月共清心閒對秋水自潔洗長纓寄我相思句知君夙昔情

身老銀章棄堂開綠野成黃花明髮白藜杖拄溪清月  
出照東壁風來吹我纓吟哦知不倦老去有餘情

西池

西池愜晚步一徑曲通籬花觸衣前錦柳垂頭上絲地  
幽無過客興至自成詩投老真無累吾心祇自知

泊舟毘陵舊驛追傷圻姪溺水死

泊船依古驛人語正黃昏自灑菰蒲泣誰招野水魂春  
流虛燭影城樹暗風喧三十年前事傷心漫酒樽

雙溪集卷四



欽定四庫全書

雙溪集卷五

明 杭淮 撰

七言絕句

李獻吉餉軍寧夏以東坡乍合水上萍忽散風中  
雲為韻十絕

清晨送君隗臺下我馬秣分車載駕漢水西頭關塞深  
征衣蕭颯秋風乍

遠道青驄何蹴踏高柳玄蟬苦嘈囀送君先憶見君時  
蘄門春日啼鶯合

觸人秋暑何瀰瀰遊子驅車涉千里悠悠旌拂華山雲  
蕭蕭馬度涇川水

西塞山前列亭障劒氣凌雲意何壯漢家諸將收匈奴  
功名早致麒麟上

晚披風露晨戴星飄飄旌旄臨朔庭秋空凌厲見孤鵲  
滄海飄轉無雙萍

萬里邊陲輓輸卒青草原頭多白骨蕭何在漢速指揮  
肯將蟻命輕毫忽

白馬郎官下霄漢三邊武臣色精悍要識吾皇敵愾心  
不徒只作黃金散

征車兀兀馬充充西度秦城吐谷東萬里白沙寒照月  
羣山陰壑夜吹風

塘南淺淡野蓮白塘北高低秋蓼紅思君只在別君處  
跨馬時來明月中

雙旌蒼茫雨忽動燈火高城猶對君只恐晴時終難任  
恨不十日不開雲

扇畫

縹緲晴嵐春嶼淨微茫白水野橋連老人心跡風塵外  
落日江湖杖履前

題扇

絺綌灑然秋暑薄琅玕碧色湘雲含伯夷千年首陽餓  
至今清風能激貪

送錢水部士弘致仕還十絕

五十明經今始振  
致身青雲亦不遲  
黃金榜中三百輩  
卓犖君才看濟時

其二

悠悠交情世上子  
如君高誼古人求  
輕裘肥馬伊誰惜  
覆雨翻雲豈肯謀

其三

白首官高不得去  
何事乞身君早歸  
陶令門前五株柳

清風颯然吹葛衣

其四

漢廷千古稱疏廣  
皇國今朝見水曹  
不必東都問車馬  
已從霄漢見鴻毛

其五

銀鱸重引江湖興  
金掖初分鴛鴦羣  
白水春帆瞻細雨  
青天絕塞送孤雲

其六

東湖烟霧水冥冥  
虞山削出芙蓉青  
落日沙頭有鷗鳥  
春來秋去幾迴醒

其七

張公洞深白石裂  
吳溪水煥青蘋香  
夢中風土亦不惡  
他日與君俱故鄉

其八

君年掛冠六十始  
吾亦漸看成白頭  
何當手弄青絲縷  
春日隨君上釣舟

其九

秦關老人百五十

時京師見尹蓬頭

秘訣丹砂非浪傳使君相

逢棄官爵高臥山中能引年

其十

聞君亦有跨竈子筆底文章正峽開  
春天龍臥滄江遠秋色人歌月殿來

新昌公館見梅

石佛山中歸臥遲疎燈寒蕊恰相宜  
不知東閣臨春興



何似揚州對雪時

無柰見梅清興動醉臨春竹坐題詩  
牕含萬里風吹雪  
雲度三江月滿枝

登松門城時獲朝鮮人

民物熙熙四海春禮從中國見君臣  
朝鮮自古通正朔  
只作梯航獻貢人

極目河山聖祖功春風海徼萬方同  
滄波白鵬花開裏  
萬堞羣山日照中

高城旗影日悠揚  
江海風雲霽八荒  
天下車書今一統  
殊方原不異冠裳

開化道中

溪上人家開竹扉  
熒熒溪葉淨朝暉  
山間正月氣已煖  
近水桃花欲上緋

封茶寄載卿口嘲

細摘春旗和月焙  
晨興封裹寄東曹  
秋清亦可助詩興  
白舫青簾江月高

九日和李少宰蒲汀見寄

去歲滁山成獨飲，今朝白下又重陽。  
總教醉倒黃花側，客裏終傷非故鄉。

百年佳節此重陽，黃菊朝來已著霜。  
白髮無情總相逼，誰能料理手中觴。

秋雲錦石麗黃花，金馬題詩到水涯。  
北闕固應親舍在，南都亦是帝皇家。

飲沐參將西園

參府開筵白日長  
院深留客到池塘  
水邊歌扇春雲液  
竹裏冰漿玉椀光

又

缺

妙耽文學開國風流豈

缺

令肅

西園多暇自我花

又

城上輕雲團竹光  
城邊小池浮荇香  
將軍自只多文雅  
日暮論詩殊未央

白巖山中

缺

道山通雲日開風吹草樹異香迴巖扉稚子謹呼出  
為道南夷貢象來

又

山邊小麥青分隴樹裏幽花笑隔溪不道山深春已暮  
鷓鴣猶自向人啼

送史禹臣進表之京以渭北春天樹江東日暮雲  
為韻十絕

使君意氣凌青霄白馬金鞍蒼玉佩琅玕照眼麗塵空  
颯然清風動淇渭

山花冥冥綺席光野日晶晶行雲白星河動搖雙玉旌  
天入江南與江北

結束腰環趨紫宸野花分塹照青春山銜落日詩筒碧  
躍馬東行興有神

細雨江亭江可憐班生此去羨登仙清秋馬度蒼山月  
雙鳳雲開紫極天

天上浮雲傷去住  
江間波流日東注  
君有長才美少年  
及時早見功名樹

白蘋東覆滿清江  
舟楫天空度鳥雙  
千仞妙高臺上石  
清秋誰為俯雲龍

遊子思家日千里  
不堪旌節又從東  
逢人訊問滇陽客  
興在輕舸翫畫風

因君遙憶凌溪子

朱升之

寶應城高舞衣日  
永夏紅蕖照

玉樽萬里風華動  
瑤瑟

肅肅錦筵花絮輕冥冥雨色滄江暮天南回首蓬萊宮  
紫氣金莖上承露

殿轉春風飄玉几旗薰晴旭動龍文此時遙憶鳴珂裏  
日近蓬萊五色雲

觀激湍

積石連崖埋虎豹激湍飛雪吼雷霆羽林萬騎來何猛  
蕩滌諸獠氣好乘

辰溪城邊見石二絕



愛此嶄巖怪石羣如船如屋臥江濱經行不管人南北  
朝墓蒼然自出雲

蒼苔碧石麗江湍古木蒼藤長歲年過眼豈無金馬客  
相依只有釣魚船

元溪馬上懷竹溪周驛丞廩時以御史謫官四絕  
白石茅茨萬竹隈青春書卷五車開五谿不道蠻烟裏  
日月淹留濟世才

隔溪蠻雨送征鞍傾蓋何由遡急湍雲裏清風亭閒寂

春深惟見長琅玕

一室妻孥不自將  
蕭然卷帙傍脩篁  
夜郎地接雲山迴  
子夜天開星斗光

茫然世事未堪論  
迴首蠻山多白雲  
寂寞商巖惟版築  
中興夢卜有賢君

唐子畏小畫

秋林書屋帶遙山  
沙鳥溪雲共往還  
豈是今人常愛惜  
故留名筆在人間

春日滁陽懷獻吉復用乍合水上萍忽散風中雲  
為韻十絕

去年別君大河上北風吹寒天雪乍自從掛席向江東  
常使高情憶陶謝

社燕南來鴈北飛人生多離苦難合春風吹滿梁王臺  
何由共載花間榼

昔同寒月遊梁園春月今看照江水南北月明何異同

自是人情有悲喜

獻吉送別時有江上  
校月同否之句故云

我久無書到中州君亦無使來江上南北浮雲日日行  
與君千里常相望

別君兩見楊花落楊花落水作青萍萍生無根風不定  
飄泊海中如散星

海日東升月西沉過眼流光苦飄忽相思千里不相見  
日日鏡中生白髮

李白昔醉梁王臺玉笙吹散歌聲散君今對君若不飲

空使春花大堤爛

獻吉戒  
酒故云

兩兩海棠君屋東朱簾高褰動春風不知月上花開裏  
寶瑟清樽誰與同

平泉莊前美脩竹脩然綠葉出雲中遙想吹簫月明夜  
威遲白鳳下崆峒

牕間

缺

高山石日日臥看生白雲十年不出輕軒冕

海內爭高太白文

棟塘衝凍看山戲簡

朔風寒號膚欲裂日暮看山猶未迴歐子亭前

缺

竹

願君收拾畫圖來

醉翁亭待客

幽期有客久不至漸看山中白日斜  
不有巖阿數枝竹是誰相伴坐烟霞

客至坐抵暮

釀泉細細擎盃久林壑雲寒暝色生  
信是醉翁非在酒相逢山水自多情

奉和吳太宰白樓見示衙後桃花之作兼道予東

歸意

小吏將詩過北衙  
喜看懷袖落瓊華  
玉堂自是缺清興  
無柰天桃更著花

自怪朝來不放衙  
綵毫無意領春華  
城中桃李雖無數  
興在春風野外花

吏衙誰道是仙衙  
贏得風塵兩鬢華  
識得武陵源上路  
不須隨水問桃花

李少宰蒲汀送蟹魚有詩奉和以酬

江蟹提攜紫鐵衣黃膏滿腹正霜肥玉堂學士風流劇  
兼得新詩信手揮

江郭經霜正爾思青蒲束縛到堦墀聞詩先已知風味  
不在持螯對酒時

吳中舍惟德畫竹扇見遺酬兩絕句

新寫齊紈雙竹枝烟梢淋漓墨猶濕不須更見瀟湘真  
已覺清風生習習

鳳池地接聯青瑣年少風流更出塵瀟灑虛心傳畫策



每於舒卷見風神

題海峯畫

畫內海勢亦雄哉萬里洪濤洶湧來蛟作鯨吞北風惡  
孤峯天際只崔嵬

弔遼翁閣老觀其園池因念舊所為詩次韻哀之  
八絕

開闢名園歲已深手栽花樹却成林可傷今日臺池舊  
要識當時待隱心

弔翁江郭登茲臺海色微茫雨不開春深愁殺閒花鳥  
不見山中宰相來

池連滄海暗通山聞道常年早不乾已作商霖徧天下  
只今休把一池看

花開花落自芳菲細雨巖姿弄夕暉惆悵遼東鶴一去  
不知何日待來歸

三邊曾制敵人侵青海浮雲不作陰白首功高不受賞  
歸來唯愛我山林

股肱功成照麟閣流沙威振開燕然令公中外知名久  
身繫安危二十年

史書功業卒難移諸葛才名天下奇得失是非千載後  
于今不必問人知

調元贊化是何人應手成風識郢斤今日朝廷問台鼎  
味求和處却為真

桃花小畫

誰人點染天桃姿上有雙鳥鳴高枝桃花不飛鳥不去

春風只自在軒墀

海棠小畫

美哉畫筆領春風寫出人間造化工啼鳥報春雙在戶

海棠枝上又新紅

夢我歸湖上即事三絕

出寺吟行趁夕陽穿花入竹認前岡山人却恐遮人馬

不放藤輪出路傍

又

天地本無私萬物情應不柰春何小桃纔高不二尺  
映日開花也自多

又

白李紅桃湖上稠村村如畫抱青洲也知花好無多日  
可忍時時不出遊

小坐

野菜籬邊春日西麥花白白細分畦東風輕煖昆蟲活  
新網蜘蛛向客低

桂枝畫

玉兔秋香似廣寒天風吹入綵毫端題詩卷贈青雲客  
持與嫦娥帶笑看

姪孫朝端少有時名及校藝憲臺連捷得雋毘陵  
舟次因書扇以勗之

沙邊吏人催發舟不飲風前還少留壯年文章喜更進  
萬里青雲須汝求

雙溪集卷五